

Broj: 03-02-621/2016
Sarajevo, 4.11.2016. godine

**PARLAMENT FEDERACIJE
BOSNE I HERCEGOVINE**

- Dom naroda
gđa Lidija Bradara, predsjedavajuća

VRLO HITNO


PREDMET: Amandmani Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama člana 177. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), u prilogu Vam u printanoj i elektronskoj formi (CD), dostavljam **AMANDMANE VLADE FEDERACIJE BOSNE I HERCEGOVINE NA PRIJEDLOG ZAKONA O IZMJENAMA I DOPUNAMA ZAKONA O IGRAMA NA SREĆU**, koje je Vlada Federacije Bosne i Hercegovine utvrdila na 76. sjednici, održanoj 4.11.2016. godine.

Amandmani Vlade Federacije Bosne i Hercegovine postaju sastavni dio Prijedloga zakona o izmjenama i dopunama Zakona o igrama na sreću, koji je u parlamentarnu proceduru radi razmatranja i donošenja po hitnom postupku, upućen aktom broj: 03-02-621/2016 od 7.7.2016. godine.

S poštovanjem,



PREMIJER
Fadil Novalić

Prilog: kao u tekstu

**Cc: Federalno ministarstvo finansija/
Federalno ministarstvo financija
gđa Jelka Milićević, ministrica**

Co: predmet

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

U skladu sa članom 73. stav (4) Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10 i 62/10), Vlada Federacije Bosne i Hercegovine je, na 76. sjednici, održanoj 4.11.2016. godine, utvrdila

**AMANDMANE
NA PRIJEDLOG ZAKONA O IZMJENAMA I DOPUNAMA ZAKONA O IGRAMA NA
SREĆU**

AMANDMAN I

Član 2., briše se.

OBRAZLOŽENJE

S obzirom da se ovim Zakonom između ostalog predlaže i uvođenje oporezivanja svih dobitaka ostvarenih u igrama na sreću kladjenje, postoji realna bojazan da bi istovremenim propisivanjem i veće stope iznosa naknade koja se u startu obustavlja kod same uplate na teret igrača, za posljedicu imalo odljev igrača na internet sajtove stranih priređivača kao i priređivača iz RS-a, koji ne primjenjuju pravila o obustavi naknade od uplate igrača i oporezivanju svih dobitaka.

AMANDMAN II

U članu 3. stav 2. riječi: „ 92. st. 1. i 3.“ zamjenjuju se riječima: „ 92. stav 1.“

OBRAZLOŽENJE

Ovim Amandmanom vrši se nomotehničko usklađivanje sa Amandmanom pod brojem VII, kojim je mjenjan član 92. Zakona.

AMANDMAN III

Član 5., briše se.

OBRAZLOŽENJE

Naknadno je ocjenjeno da je potrebno izostaviti predloženo zakonsko rješenje kojim je bilo predviđeno da Federalno ministarstvo finansija-financija može oduzeti ranije izdato odobrenje i na prijedlog Federalne uprave za inspeksijske poslove. Ovo iz razloga što su ovlaštenja Federalne uprave za inspeksijske poslove propisana Zakonom o inspekcijama u Federaciji Bosne i Hercegovine.

AMANDMAN IV

Član 8. mijenja se i glasi:

“Iza člana 39. dodaje se novi član 39a. koji glasi:

Član 39a.

Porez na dobitke od klasičnih igara na sreću

Porez na dobitke ostvarene u klasičnim igrama na sreću plaća se po stopi od 10% na dobitke u visini od 10,00KM do 2.000,00 KM, po stopi od 15% na dobitke iznad 2.000,00 KM do 8.000,00 KM, po stopi od 20% na dobitke iznad 8.000,00 KM do 100.000,00 KM, a po stopi od 30% na dobitke iznad 100.000,00 KM.

Porez na dobitke ostvarene učešćem u klasičnim igrama na sreću obračunava se i plaća u visini propisanoj u stavu 1. ovog člana, prilikom isplate svakog oporezivog dobitka, a obračun, obustavu i uplatu poreza vrše priređivači.

Osnovicu za obračun poreza na novčane dobitke čini novčani iznos pojedinačnog oporezivog dobitka ostvarenog u klasičnim igrama na sreću koji predstavlja razliku između ostvarenog dobitka i iznosa uplate igrača za učešće u igri koja je rezultirala dobitkom.

Kada se u skladu sa Pravilima pojedine klasične igre na sreću, dobitci sastoje od stvari, usluga ili prava, osnovicu za obračun poreza čini tržišna vrijednost stvari, usluga ili prava kod svakog pojedinačno isplaćenog oporezivog dobitka, umanjena za iznos uplate igrača za učešće u pojedinoj igri.

Ukupan iznos sredstava poreza obračunatog u skladu sa st 1. do 4. ovog člana, priređivač je dužan uplatiti najdalje do desetog u tekućem mjesecu za prethodni mjesec u korist budžeta općina/gradova na čijoj teritoriji se nalazi uplatno mjesto na kome je dobitak ostvaren.”

OBRAZLOŽENJE

Potrebno je doraditi odredbe o oporezivanju dobitaka u klasičnim igrama na sreću na način da se u cilju postizanja boljih finansijskih efekata ovog Zakona predvide progresivne stope oporezivanja u zavisnosti od visine ostvarenog dobitka, što je praksa pojedinih regulatora iz regiona. Takođe, imajući u vidu samu prirodu i način priređivanja pojedinih klasičnih igara (npr. srećke) potrebno je utvrditi određen neoporezivi iznos dobitka, kako bi se onemogućile pojedine situacije koje bi uticale na depopularizaciju igre a samim time i pad prihoda po tom osnovu.

AMANDMAN V

U članu 12. broj „10%“ zamjenjuje se brojem „15%“

OBRAZLOŽENJE

U cilju iznalaženja načina za postizanje što boljih finansijskih efekata ovog Zakona, utvrđeno je da postoji potreba da se propiše veći iznos naknade koja se plaća u procentu od prihoda kazina tj. od osnovice koju čini zbir dnevnih obračuna svih stolova i automata za igre na sreću jednog priređivača.

AMANDMAN VI

U članu 14., briše se stav 2.

OBRAZLOŽENJE

Ovim amandmanom se ostavlja na snazi važeće zakonsko rješenje, prema kojem je postupku po zahtjevu za izdavanje prethodne saglasnosti koji provode nadležne Općinske službe propisan rok za postupanje. Na ovaj način će se izbjeći situacije u kojima bi dolazilo do ćutnje administracije odnosno nepoštivanja rokova koji su propisani i Zakonom o upravnom postupku, što bi za posljedicu imalo opstruiranje postupaka po zahtjevima izdavanje odobrenja koji provodi Federalno ministarstvo finansija-financija.

AMANDMAN VII

Član 16. mijenja se i glasi:

“ Član 92. mijenja se i glasi:

Svi priređivači igara na sreću klađenja iz člana 75. i 78. ovog Zakona, dužni su u korist budžeta Federacije, najkasnije desetog dana u tekućem mjesecu za prethodni mjesec, plaćati mjesečnu naknadu u visini 5% od osnovice koju čini ukupan iznos svih uplata igrača.

Zabranjen je obračun i naplata bilo koje vrste manipulativnih troškova prilikom zaprimanja uplata igrača na uplatnim mjestima i terminalima.”

OBRAZLOŽENJE

Ocjenjeno je da postoji potreba za preciznijom formulacijom ovog člana, kako bi se otklonile pojedine dileme u vezi sa tumačenjem odredbi ovog člana, u dijelu preciziranja koji su to priređivači obveznici uplate naknade na uplate u različitim vrstama igara na sreću klađenja koje se priređuju u skladu sa Zakonom. Takođe, u vezi sa obrazloženjem datim za Amandman broj I., potrebno je ujednačiti visinu stope propisanih naknada od uplata igrača koje se plaćaju u ovim (RNG) igrama, sa stopom propisanom kod ostalih igara klađenja na sportske rezultate.

AMANDMAN VIII

Član 17. mijenja se i glasi:

“Iza člana 92. dodaju se novi čl. 92a. i 92b. koji glase:

„Član 92a.

Porez na dobitke od igara na sreću klađenja

Porez na dobitke ostvarene u igrama na sreću klađenja plaća se po stopi od 10% na sve dobitke u visini do 2.000,00 KM, po stopi od 15% na dobitke iznad 2.000,00 KM do 8.000,00 KM, po stopi od 20% na dobitke iznad 8.000,00 KM do 100.000,00 KM, a po stopi od 30% na dobitke iznad 100.000,00 KM.

Porez na dobitke ostvarene učešćem u igrama na sreću klađenje obračunava i plaća u visini propisanoj u stavu 1. ovog člana, prilikom isplate svakog pojedinačnog dobitka, a obračun, obustavu i uplatu poreza vrše priređivači.

Osnovicu za obračun poreza na novčane dobitke čini novčani iznos pojedinačnog dobitka ostvarenog u igrama na sreću klađenja koji predstavlja razliku između ostvarenog dobitka i iznosa uplate igrača za učešće u igri koja je rezultirala dobitkom.

Ukupan iznos sredstava poreza obračunatog u skladu sa st 1. do 3. ovog člana, priređivač je dužan uplatiti najdalje do desetog u tekućem mjesecu za prethodni mjesec u korist budžeta općina/gradova na čijoj teritoriji se nalazi uplatno mjesto na kome je dobitak ostvaren.

Član 92b.

Porez na dobitke od igara putem interneta i SMS poruka

Kod dobitaka igrača ostvarenih u igrama na sreću koje se priređuju putem interneta ili SMS-poruka, porez na dobitke obračunat u skladu sa članom 92a. st. 1. – 3. ovog zakona, uplaćuje se najdalje do desetog u tekućem mjesecu za prethodni mjesec u korist budžeta Federacije.“

OBRAZLOŽENJE

Potrebno je doraditi odredbe o oporezivanju dobitaka u igrama na sreću klađenja, na način da se u cilju postizanja boljih finansijskih efekata ovog Zakona predvide progresivne stope oporezivanja u zavisnosti od visine ostvarenog dobitka, što je praksa pojedinih regulatora iz regiona. Takođe, potrebno je precizno propisati pripadnost prihoda od naplaćenog poreza na dobitke ostvarenog u igrama na sreću koje se priređuju putem interneta i SMS poruka (prihod su Budžeta Federacije BiH).

AMANDMAN IX

U članu 19. broj „10%“ zamjenjuje se brojem „25%“

OBRAZLOŽENJE

Kao za Amandman broj V.

AMANDMAN X

Član 21. briše se.

OBRAZLOŽENJE

Kao za Amandman broj I.

AMANDMAN XI

Član 22. briše se.

OBRAZLOŽENJE

Kao za Amandman III.

AMANDMAN XII

Član 23. briše se.

OBRAZLOŽENJE

Kao za Amandman III.

AMANDMAN XIII

Član 24. mijenja se i glasi:

„U članu 125. iza stava 1. dodaje se novi stav 2. koji glasi :

Osim Porezne uprave, poslove inspekcijskog nadzora nad radom priređivača vrši i Federalna uprava za inspekcijske poslove, u skladu sa ovlaštenjima sadržanim u posebnim propisima.

U dosadašnjem stavu 2. koji postaje stav 3. iza riječi: „Porezne uprave“ dodaju se riječi: „i Federalne uprave za inspekcijske poslove“.

Dosadašnji stav 3. postaje stav 4.“

OBRAZLOŽENJE

Kao za Amandman III.

AMANDMAN XIV

Član 25. briše se.

OBRAZLOŽENJE

Kao za Amandman III

AMANDMAN XV


Član 27. mijenja se i glasi:

„U članu 128. stav 2. briše se“

OBRAZLOŽENJE

Kao za Amandman III.

V. broj: 1985/2016
4.11.2016. godine
Sarajevo



PREMIJER

Fadil Novalić